

The logo for GTPC, consisting of the letters 'GTPC' in a bold, white, sans-serif font, centered within a dark blue rectangular background.

**GTPC**

# **Gwasanaeth y Tribiwnlys Prisio yng Nghymru**

**CYNGOR CYFFREDINOL YNGLŶN AG  
APELIO YN ERBYN EICH TRETHI  
ANNOMESTIG NEU DRETH  
Y CYNGOR**





## BETH YW TRIBIWNLYSOEDD PRISIO?

Mae yna bedwar Tribiwnlys Prisio (TP) yng Nghymru sydd o dan nawdd y Gwasanaeth Tribiwnlys Prisio yng Nghymru (GTPC) ac yn cael eu hariannu gan gronfeydd cyhoeddus Cynulliad Cenedlaethol Cymru (CCC).

Mae'r tribiwnlysoedd prisio yn annibynnol o:

- Gynulliad Cenedlaethol Cymru (ag eithrio nawdd a galluogi deddfwriaeth);
- y Swyddog Prisio sy'n gosod gwerthoedd trethiannol ar eiddo annomestig;
- y Swyddog Rhestru sy'n gosod bandiau Treth y Cyngor ar gyfer eiddo domestig; a
- chynghorau lleol (awdurdodau bilio) sy'n gyrru'r biliau ar gyfer trethi a Threth y Cyngor: ac yn penderfynu pwy sy'n atebol.

Gwirfoddolwyr a phobl leol yw Aelodau'r Tribiwnlysoedd. Er nad ydynt efallai yn gymwys yn broffesiynol, maent yn derbyn hyfforddiant ac yn brofiadol mewn gwrando apeliadau. Fel arfer bydd tri aelod yn gwrando ar eich apêl [er fe all dau aelod wrando apêl os ydi pawb yn cytuno i hyn].

Bydd clerics yn cynghori ar faterion trefn a'r gyfraith. Mae'r clerics yn gyflogedig gan y tribiwnlys.

Mae TP yn darparu gwasanaeth rhad ac am ddim, felly ni allant ddyfarnu eich bod yn talu costau. Fodd bynnag, mae'n rhaid i chi dalu eich costau eich hunain i fynychu'r gwrandawriad tribiwnlys. Mae'r Tribiwnlysoedd yn gwrando apeliadau yn lleol, lle bo modd gwneud hynny.

## SUT MAE APELIO?

### 1. Trethi Annomestig a Phrisiant Treth y Cyngor (Bandio)

Os nad ydych yn hapus gyda eich gwerth trethiannol neu fand Treth y Cyngor, dylech gysylltu â'r Swyddog Priso. (Mae'r Swyddog Priso yn cael ei adnabod fel y Swyddog Rhestru pan yn delio ag apeliadau Treth y Cyngor, ond mae'r ddau derm yn cyfeirio at yr un person.)

Bydd y Swyddog Priso yn gyrru ffurflen i chi ei llenwi, a elwir yn gynnig, ac yn eich hysbysu o unrhyw gyfyngiadau amser.

Mae'n rhaid i'r Swyddog Priso/Swyddog Rhestru (SP/SR) yn ôl y gyfraith yrru unrhyw gynnig na chytunwyd arno i'r Tribiwnlys perthnasol o fewn y terfynau amser penodedig. Mae'n rhaid i hyn ddigwydd hyd yn oed os nad oes unrhyw drafodaethau wedi digwydd: ar drosglwyddiad mae'r cynigiad yn dod yn apêl.

Mae rhif ffôn ar gyfer eich Swyddog Priso/Swyddog Rhestru lleol ar dudalennau olaf y daflen hon.

### 2. Rhaglennu Apeliadau

Er budd rheolaeth effeithiol, mae'r Swyddog Priso/Swyddog Rhestru yn gweithredu system sy'n rhaglennu apeliadau fel y rhoir rhagrybudd o'r cyfnod trafod: cyn y rhestru arfaethedig gan y Tribiwnlys. Mae'r Tribiwnlysoedd yn ystyried bod y weithred hon gan y SP/SR o gymorth i'r ddau barti a'r Tribiwnlys o safbwynt prosesu apeliadau yn effeithlon a'r defnydd o adnoddau sy'n cael eu hariannu gan y cyhoedd. Yr amser prysuraf yw yn union wedi ailbrisiad: ac o ganlyniad mae'n bosibl bydd oedi yn y flwyddyn gyntaf (2005/06) ond rhagwelir y bydd hyn yn gwella mewn blynyddoedd i ddod.

### 3. Atebolrwydd Treth y Cyngor

Dyma rai enghreifftiau o apeliadau gallai'r Tribiwnlys eu hystyried.

- Nad ydych yn meddwl y dylech fod yn atebol ar gyfer talu'r bil Treth y Cyngor.

- Nid yw cyngor yn fodlon rhoi gostyngiad i chi er fod person anabl yn byw yn eich eiddo ac mae yna le ychwanegol ar gyfer eu cadair olwyn neu fod yna ystafell, fel ystafell ymolchi neu gegin ychwanegol, sy'n caniatáu i'r person anabl fyw yno.
- Rydych yn credu y dylai'r cyngor roi disgownt ar Dreth y Cyngor rydych yn ei thalu ar eich eiddo.
- Rydych yn credu na ddylech dalu Treth y Cyngor ar eich eiddo.

Yn gyntaf dylech ysgrifennu at eich Cyngor gan egluro beth yw'r broblem. Dylai'r Cyngor yrru ateb i chi o fewn dau fis. Os ydych yn dymuno apelio, mae'n rhaid i chi gysylltu â swyddfa'r Tribiwnlys o fewn dau fis o benderfyniad y Cyngor. Yna bydd ffurflen apêl Treth y Cyngor yn cael ei hanfon atoch i chi ei llenwi.

Os nad yw'r Cyngor yn ysgrifennu'n ôl atoch o fewn dau fis, fe allech ddal i apelio atom ni, cyn belled nad oes pedwar mis wedi mynd heibio ers i chi ysgrifennu at y Cyngor yn wreiddiol.

Nid yw Tribiwnlys yn gwrandao apeliadau sy'n ymwneud â Budd-dâl Tai, Budd-dâl Treth y Cyngor neu pan nad ydych wedi talu eich bil Treth y Cyngor.

Dylech gysylltu â'ch cyngor lleol am gyngor ynglŷn â'r materion hyn.

#### **4. Hysbysiadau Cwblhau**

Os ydych yn meddwl nad yw gwaith ar eich eiddo wedi'i gwblhau, ac ni ellir ei gwblhau yn rhesymol erbyn y dyddiad ar yr hysbysiad cwblhau, gallwch apelio yn uniongyrchol i ni.

Os ydych yn dymuno apelio, mae'n rhaid i chi gysylltu â Swyddfa'r Tribiwnlys o fewn pedair wythnos o dderbyn yr hysbysiad cwblhau. Dylech ofyn i'r swyddfa yrru ffurflen apêl i chi. Mae angen i chi lenwi'r ffurflen a gyrru copi o'r hysbysiad cwblhau. Dylech wneud apêl gwahanol ar gyfer pob hysbysiad cwblhau.

Mae manylion ynglŷn â sut y gallwch gysylltu a'ch Tribiwnlys lleol ar gefn y daflen hon.

5. Mae'r Tribiwnlys hefyd yn gwrandao apeliadau yn erbyn cosbau sy'n cael eu gosod gan y Swyddog Priso neu Awdurdod Bilio am beidio â darparu gwybodaeth mae ganddynt yr hawl i ofyn amdano.

6. Mae yna hefyd apeliadau yn erbyn trethi draenio, sy'n cael eu pennu gan Fwrdd Draenio, sy'n dod o dan awdurdod y Tribiwnlysoedd Priso.

Cysylltwch â swyddfa'r Tribiwnlys am ragor o wybodaeth am y mathau hyn o apeliadau.

## **BETH SY'N DIGWYDD WEDI I'R TRIBIWNLYS DDERBYN APÊL?**

Bydd swyddfa'r TP yn rhoi gwybod i chi pan rydym wedi derbyn eich apêl gan yrru arweinlyfr sy'n egluro'r broses apêl a sut y gallwn fod o gymorth. Bydd hysbysiad o wrandawriad yn cael ei yrru i chi cyn gynted â phosib. Byddwch yn derbyn o leiaf pedair wythnos o rybudd o ddyddiad y gwrandawriad.

Os nad ydych yn gallu mynychu gwrandawriad y Tribiwnlys ar y dyddiad ac amser a roddwyd, gallwch ofyn am:

- ddyddiad gwrandawriad arall;
- ddelio â'r achos yn eich absenoldeb.

Bydd dyddiad gwrandawriad newydd yn cael ei drefnu os ydych wedi ceisio cytuno eich achos gyda'r Swyddog Priso/Swyddog Rhestru neu'r cyngor, ac yn gallu rhoi rheswm da dros beidio â mynychu ar y dyddiad gwreiddiol. Gall fod yn gryn amser cyn y gellir trefnu dyddiad gwrandawriad newydd.

## **BETH SY’N DIGWYDD YNG NGWRANDAWIAD Y TRIBIWNLYS?**

Mae’r gwrandawriad yn weddol anffurfiol ac fe fydd y Tribiwnlys yn ceisio gwneud i bawb deimlo’n gartrefol. Yn ystod y gwrandawriad bydd y Tribiwnlys yn gofyn i chi gyflwyno eich achos a byddwch yn gallu gofyn cwestiynau ynglŷn ag unrhyw dystiolaeth y mae’r Swyddog Prasio/Swyddog Rhestru neu’r Cyngor wedi’i chyflwyno.

Mae bob amser yn ddefnyddiol i chi fod yn bresennol yn y gwrandawriad fel eich bod yn gallu ateb unrhyw gwestiynau gan Aelodau’r Tribiwnlys. Fodd bynnag, mae’r Aelodau yn rhoi yr un ystyriaeth i bob achos sy’n dod ger eu bron. Gellir gofyn i’r Tribiwnlys ddelio â’ch achos yn eich absenoldeb.

Bydd manylion cyfarwyddyd pellach yn cael eu hanfon atoch chi gyda’r hysbysiad o wrandawriad.

## **PA FATH O BOBL SY’N AELODAU LLEYG Y TRIBIWNLYS PRISIO?**

Mae aelodau’r Tribiwnlys Prasio yn dod o groestoriad eang o’r gymdeithas. Maent yn cynnwys pobl o grwpiau ethnig lleiafrifol a phobl ag anabledd, sy’n cynrychioli amryw broffesiwn yn cynnwys athrawon, cyfreithwyr, penseiri, plymwyr, tafarnwyr, siopwyr a phobl busnes, yn ogystal â phobl sydd wedi ymddeol. Mae rhai o’r cyn aelodau a’r aelodau presennol yn cynnwys rhai pobl sydd wedi ymddangos gerbron Tribiwnlys yn flaenorol i apelio yn erbyn eu Trethi neu Dreth y Cyngor eu hunain.

Nid yw aelodau Tribiwnlys yn derbyn unrhyw dâl am eu gwaith. Serch hynny, maent yn gallu hawlio costau teithio, prydau a phan yn angenrheidiol, coll enillion. Ni allwch ddod yn aelod os ydych wedi cael eich carcharu neu wedi cael eich gwneud yn fethdalwr.

## ALLWCH CHI OFYN I SWYDDFA'R TRIBIWNLYS AM GYNGOR?

Gallwch. Mae'r Clerc ar Staff bob amser yn ceisio bod yn gwrtais a chynorthwyol a byddent yn ateb unrhyw gais rhesymol am gymorth neu gyngor. Mae croeso i chi ymweld â swyddfa'r Tribiwnlys neu gysylltu â ni drwy ffonio, ffacio neu e-bostio. Mae copïau o'n arweinyddiaeth a gwybodaeth arall ynglŷn â Gwasanaeth y Tribiwnlys Priso ar gael ar y rhyngwyd sef [www.valuation-tribunals.gov.uk](http://www.valuation-tribunals.gov.uk) (Gwasanaeth Triwbiwnlys Priso Lloegr).

Mae gwefan dwyieithog yn cael ei datblygu yng Nghymru ar hyn o bryd (mae pob TP yn gweithredu yn debyg yn eu hanfod, ond mae yna ychydig o wahaniaethau rhwng Cymru a Lloegr o safbwynt deddfwriaeth).

[www.valuation-tribunals-wales.gov.uk](http://www.valuation-tribunals-wales.gov.uk) [GTP Cymru]

## MWY O WYBODAETH

Mae'r gwrandawriadau yn cael eu cynnal mewn swyddfeydd tribiwnlys, adeiladau cyhoeddus a manau cyfarfod eraill sy'n addas.

Mae copïau o holl benderfyniadau'r Tribiwnlys yn cael eu cadw am chwe blynedd. Gall y cyhoedd edrych ar y penderfyniadau hyn. Os ydych eisiau edrych ar unrhyw o'r penderfyniadau hyn, cysylltwch â'ch swyddfa dribiwnlys leol os gwelwch yn dda. Mae copïau o benderfyniadau diweddar ag agendâu ar gyfer apeliadau rhestr brisio annomestig ar wefannau gwasanaeth, lle allwch ganfod rhagor o wybodaeth ynglŷn â Gwasanaeth y Tribiwnlys.

Y prif ddeddfwriaeth sy'n gweinyddu Treth y Cyngor a Trethi Annomestig yw Deddfau Cyllid Llywodraeth Leol, 1998 a 1992 ynghyd â rheolau ategol – yn arbennig;

- i) Rheoliadau Treth y Cyngor (Newid i Restrau ac Apeliadau) 1993 Offeryn Statudol 290

- ii) Rheoliadau Tribiwnlys Prisio (Cymru) 1995 Offeryn Statudol 3056
- iii) Rheoliadau Trethiant Annomestig (Newid i Restrau ac Apeliadau) 2005 Offeryn Statudol 758.

Rydym yn ymroddedig i drin pob un yn deg. Ni fydd unrhyw un sy'n gwneud apêl yn cael eu trin yn llai ffafriol oherwydd eu hil, lliw, cenedligrwydd, oed, crefydd, tras ethnig, rhyw, rhywioldeb, statws priodasol neu anabledd.

**Os oes gennych unrhyw anghenion ychwanegol, er enghraifft, eich golwg, clyw neu symudedd, neu os byddwch angen cyfieithydd, rhowch wybod i Swyddfa'r TP o flaen llaw, os gwelwch yn dda. Fe fyddwn yn gwneud ein gorau i'ch helpu.**

Amlinellir cydsynaid GTPC i Ryddid Gwybodaeth, Gwarchod Data a Deddfwriaeth Gwybodaeth Amgylcheddol mewn datganiad polisi a fydd yn cael ei gyhoeddi ar wefan GTPC: copïau ar gael drwy swddfeydd TP.

**TRIBIWNLYS AR GYFER  
DWYRAIN CYMRU**

**Ardaloedd: CYNGHORAU  
(AWDURDODAU BILIO)**

**Tribiwnlys Prasio Dwyrain Cymru**  
22 Gold Tops  
Gwent  
CASNEWYDD  
NP20 4PG  
Ffôn: 01633 266367  
Ffacs: 01633 253270  
E-bost: eastwales.vt@vto.gsx.gov.uk

CS Powys  
CBS Blaenau Gwent  
CBS Caerffili  
CS Sir Fynwy  
CT Casnewydd  
CBS Torfaen

**Swyddfeydd Prasio:**

**Wrecsam**  
Tŷr Rhaglyw  
Stryd Rhaglyw  
WRECSAM  
LL11 1PR Ffôn: 01978 200000

**Casnewydd**  
Ail Lawr  
Tŷ Clarence  
Clarence Place  
CASNEWYDD  
Gwent  
NP20 7AA Ffôn: 01633 205600

**Merthyr Tudful**  
Cyllid y Wlad  
Adeiladau'r Llywodraeth  
Stryd y Castell  
MERTHYR TUDFUL  
CF47 8TX Ffôn: 01685 358000

**TRIBIWNLYS AR GYFER  
GOGLEDD CYMRU**

Tribiwnlys Prasio Gogledd Cymru  
Ffordd Dinerth  
Llandrillo-yn-Rhos  
BAE COLWYN  
Conwy  
LL28 4UL  
Ffôn: 01492 546610 Ffacs: 01492 545935  
E-bost: northwales.vt@vto.gsx.gov.uk

**Swyddfeydd Prasio:**

**Wrecsam**  
Tŷr Rhaglyw  
Stryd Rhaglyw  
WRECSAM  
LL11 1PR Ffôn: 01978 200000

**Ardaloedd: CYNGHORAU  
(AWDURDODAU BILIO)**

CBS Wrecsam  
CS Y Fflint  
CS Ddinbych  
Cyngor Gwynedd  
CS Ynys Môn  
CBS Conwy

**Bangor**  
Tŷ Glyder  
339 Stryd Fawr  
BANGOR  
LL57 1YA Ffôn: 01978 200000

**TRIBIWNLYS AR GYFER  
DE CYMRU**

Tribiwnlys Prasio De Cymru  
22 Gold Tops  
CASNEWYDD  
NP20 4PG  
Ffôn: 01633 255003 Ffacs: 01633 255004  
E-bost: southwales.vt@vto.gsx.gov.uk

**Swyddfeydd Prasio:**

**Caerdydd**  
Tŷ Rhodfa  
Ffordd Tŷ Glas  
Llanisien  
CAERDYDD  
CF14 5GR Ffôn: 02920 806800

**Ardaloedd: CYNGHORAU  
(AWDURDODAU BILIO)**

CBS Pen-y-bont ar Ogwr  
CS Caerdydd  
CBS Rhondda Cynon Taf  
CBS Bro Morgannwg  
CBS Merthyr Tudful

**Merthyr Tudful**  
Cyllid y Wlad  
Adeiladau'r Llywodraeth  
Stryd y Castell  
MERTHYR TUDFUL  
CF47 8TX Ffôn: 01685 358000

**TRIBIWNLYS AR GYFER  
GOLLEWIN CYMRU**

Tribiwnlys Prasio Gorllewin Cymru  
Llawr Cyntaf  
14 Stryd y Brenin  
CAERFYRDDIN  
SA31 1BH  
Ffôn: 01267 235071 Ffacs: 01267 221579  
E-bost: westwales.vt@vto.gsx.gov.uk

**Ardaloedd: CYNGHORAU  
(AWDURDODAU BILIO)**

Dinas a Sir Abertawe  
CS Caerfyrddin (Rhan 3)  
CS Caerfyrddin (Rhan 1 a 2)  
CS Ceredigion  
CS Sir Benfro

**Swyddfeydd Prasio:**

**Caerfyrddin**  
Adeiladau'r Llywodraeth  
Teras Picton  
CAERFYRDDIN  
SA31 3BT Ffôn: 01267 322200

**Abertawe**  
Tŷ Nant  
180 Stryd Fawr  
ABERTAWE  
SA1 1JR Ffôn: 01792 497700

Dylech nodi nad yw'r daflen hon yn cynnwys pob agwedd o Dribiwnlysoedd Prasio. Nid yw'r wybodaeth mae'n ei chynnwys yn rhwymo unrhyw Dribiwnlys Prasio, nac yn effeithio ar ddefnydd y rheolau neu ddeddfau perthnasol. Bydd Clerc y Tribiwnlys yn ymateb i unrhyw gais rhesymol am gyngor ynglŷn â'r drefn cyn dechrau'r gwrandawriad.